



Nakkas kuurõ kirjapandminõ IV Umalõ Pidelõ!

Meil om hää miil teedä anda, et valmis om saanu IV Uma Pido noodivihk ja nakkas kuurõ kirjapandminõ **IV Umalõ Pidelõ, mis tulõ 28. mail 2016 Põlvän Indsikurmun.** Pido kõnõlõs mõtsast, väeliidsist puiõst ja inemiisi kõüdüssist näidega. Egä puu om ku ilmasammas, miä kand taivast ja and tuuga meile ruumi ellä...

Kirjapandminõ pidolõ käü 1. detsembrini 2015. Pidelõ laulma oodõtas kuurõ edimält Lõuna-Eesti maakundõst, kon kimmäs kõüdüs võro keele ja kultuuriga olõman om. A oodõdu omma' kõik koori', kiä laulu' är' opva' ja võro keelest ja meelest ütten lõnaeestläisiga rõõmu tunda' tahtva'. Sõski, ku kõrraldajil teküs tunnõ, et kõik kirjapandnu pidolisõ' ei mahu' Indsikurmu är, sõs piämi är ütlemä viimätsile kavvõmbalt kirjapandnuilõ. Süälest loodami, et mi tuud sõski tegemä ei piä – häid lambit mahus Indsikurmu pall'o!

Kirjapandmisõs tulõ är täütä registriirmisleht Internetin lingil: <http://goo.gl/forms/ZKg4N574Mi> Küsümüisiga saa helistä projektijuht Triinu Ojarile 53322153 vai timä abilõ Ena Drenkhanile 5291431.

Pido noodivihk om 88 lk paks ja kõigilõ kooriliikele ütine. **Kuurõlõ, kon laulva' latsõ', mass vihk 3 eurot ja täüskasunuidõ kuurõlõ 5 eurot.** Olku sääne hinnan vahetegemine ku kummardus kasuvalõ põlvkunnalõ! **Koorijuhi' saava' uma vihu massulda.** Kuurõ noodivihk om klamberköiten, a noilõ, kiä vihku kõgõ inämb pruukva, tuu tähendäs koorijuhtõlõ, om vihk spiraalköüten, miä aolõ parõmbahe vasta pidä. **Ku kuur taht viil otsusta, kas pidolõ tulla vai ei, sõs om võimalik pallõlda koorijuhi vihk hindäle kaemisõs saata.** Koorijuhi noodivihu vaihõl om ka pido kava septembri saisuga ja liigijuhtõ kontakti.

Noodivihke saa kätte alatõn 12. oktoobrist:

- **Võro Instituudist** tüüpäivilde kell 9-17. Hää olõs ette helistä' Triinu Ojarile tel 53322153.
- **Põlva Maavalitsusõst** tüüpäivilde kell 9-17 (lõuna 12-13). Hää olõs ette helistä' Helje Põvvatile tel 5256218.
- Tartust. Kättesaamise kotus tulõ kokko leppi Ena Drenkhaniga tel 5291431.
- **Postiga**; sõs küsümi koori käest ka postimassu.

Meile om joba tulnu küsümüisi kunnakuurõ, nurmõnaisi ja mõtsamihi võimalusõ kottalõ pidol ütten lüvvä. Jah, nigu varatsõmbil kõrdil, oodami naid jälki pidolõ! Täpsemb info tulõ oktoobri lõpupoolõ.

Uma Pido ei olõ lihtsähe laulupido. Taa om tii, midä müüdä käümine hoit meid üleilmastumisõ tuulõn kaomamineki iist. Tulkõ miika taad tiid käümä!

Uma Pido kõrraldajarahva nimel,
Triinu Ojar
Uma Pido projektijuht
triinu.ojar@wi.ee, tel 533 22 153

www.umapido.ee